

評審感言

甘耀明




臺灣客語 / 短篇小說 / 社會組

客語小說社會組個來稿係盡踴躍，二十零篇小說展風神，親像一隻百花盛開個花園鬧熱。「客語」摻「文學」個總下表現，這兩樣係重要評審標準，除忒客語愛標準，文學個精華乜愛呈現出來。兩樣鬥搭，表現錫人個描寫細節、特殊觀察、豐沛想像，文學摻客語精神擎高高，正會得著獎。

客語表現部分，有個作品對華語硬硬翻譯過來，句仔硬鉸，雖然內容寫到還做得。有個作品可能係識參加過學老話比賽落選，這擺來參加客語組，毋過翻譯過來嘎出現錯誤，有個字，無麼個可能出現在客語，這種半爛爛個參賽作品，當遽淘汰，乜十分可惜。

這擺比賽得著一等獎個〈椰子樹個天頂〉表現兩子爺感情，在做事嚴條、脾氣較惡個阿爸著傷過後，做俵仔個人開始思考自家未來個路愛仰仔行，仰仔拄固人生，這篇小說摻客語表現精彩，得著三儕評審共下肯定。二獎〈天光略〉係寫中配個奮鬥故事，用書信體表現，女主角摻徼徒老公離婚過後，自家煞力牯畜大俵仔，單儕面對發病治療個艱苦過程，到尾完成自家個跳舞夢想。這篇女性奮鬥故事，主角得著自家個天光咁命運，十分精彩，乜得著評審肯定。第三名〈尿桶角個蕭將軍〉做得講係鄉土傳奇，主角蕭順興在風搓來該下，勇敢面對大自然個變化，到尾克服咗，分評審看到阿腦，毋過「了少話」有較多，有個評審認為毋使恁多。



以上係這擺比賽个評語，三位評審希望，大家踴躍投稿，分客語小說有還較多開花打子个精彩表現。